

Ləkaləkətə ɲga Yahuda

¹ Wiinə ləkaləkətə ca dzə daciiki Yahuda, ndzəkəɲuci Yakubu. Ma nya, əndə slənə ɲga Yeesu *Aləmasiihu nə nyi. Agi naahənə nə nyi koonə, əɲjitə 'wii Əntaɲfə tuunə, una ndzaanə agi uufənə ɲga Əntaɲfə Dəsənaamə, Yeesu Aləmasiihu a dzə də nəhənə tuunə.

² Wa Əntaɲfə a da koonə ɲga'əənə, ca vii koonə ndzaanə jamə da uufənə a ədzəmuunə aakəɲwa aakəɲwa.

Maliminə ɲga jirakənə

³ Kadashinyinaakya, kə dii nyi aniya ka shaɲə kaa nya naahə koonə agyanə luupaanə ənə upaa amə patə. Amma ma nee nyi, gədfə wa nya naahə koonə kaa nya kədii tuunə koona da gazhi'waanə agi wabənə ɲga Əntaɲfə, əɲjə a vii goɲga. Acii gahu rəɲwə baarii Əntaɲfə goɲgaanaakii ka əɲjaakii. ⁴ Ma bii nyi ha'ə, tə'i hara əɲji ətə pooshi shii tə Əntaɲfə iitəgərə aahadoonə, təya da gazhi'waanə ɲga gwazee ka habara ɲga pwapoonə ɲga Əntaɲfə, kaa təya shii upaa rəgwa ɲga da tsarə ɲga bwaya uushi ətə kafeesəkə ka tii. Də danə ha'ə makə ətsə ci təya kaaree ka Yeesu Aləmasiihu Gawə gaamə, Slandanaamə əsə. Daga ɲukə tə'i manaahəkii

1:1 1 Mat. 13.55; Mar. 6.3. **1:2** 2 2 Piita 1.2. **1:3** 3 1 Tim. 1.18.

asəkə ləkələkətə makə sətə nə Əntanfə a zamagi də tii.

⁵ Taa ngahi kə shii unə sənə cii kya moo banə, amma nga'ə ka nyi kaa nya ənə ka buurətənə koonə oo'i, ma nga nukə, kə luupaa Əntanfə tə ənjaakii kaa təya bwasee ka hanyinə nga Misəra. Patə da ha'ə, ma daaba'əkii, kə zamagi ci də hara ənji ahadatii ətə pooshi vii ka ci goonğa.

⁶ Ha'ə əsə, buurətəmə habara nga malaa'ikanyiitə pooshi luuvə kaa təya ndzaanə ka hatə dəkəpaa Əntanfə tə tii. Ma təya, kə bwasee tii ka hatə dəkəpaa Əntanfə tə tii. Wata ca kaalagərə tə tii aagi təkunə ruku ruku. Ma'aanəkii asəkə mahyakahyaka'ə nə tii ka ca'ə ndəjwə ndəjwə. See mada mbu'ya uusəratə nə Əntanfə a da gəjwanə ka *duuniya.

⁷ Buurətəmə agyanə vəranyinə nga *Sadooma da *Gwamoorə da hara vəranyiitə kədə kədəhə da tii əsə. Ma ənji nga vəranyiitsa, kə dzəgərə tii aagi da ajjinəənə kama kama, təya bwasee ka rəgwa goonğa. Kə upaa tii shikwatii nga ndzaanə agi gunə nga ca'ə ndəjwə ndəjwə. Ətsə boo, kə ndzaa ka dzalənə paŋgəranə ka patənə nga ənja.

⁸ Ha'ə əsə nə ənjitə iitəgərə aahadoonə. Kə sənii tii səniinə ətə kavə tə tii ka ajjinətə shishinətii, təya bərapaa baawəda nga Əntanfə, təya dzaana tə uushi'iitə dadagyə da məghərəvənə.

⁹ Mikayilu maa, ətə dīi ka

1:4 4-13 2 Piita 2.1-22. **1:4** 4 Gal. 5.13; 2 Piita 2.1. **1:5** 5 Shig. 12.51; Baan. 14.29-30; 1 Koor. 10.5; 2 Piita 1.12-13. **1:6** 6 1 Piita 3.19-20; 2 Piita 2.4. **1:7** 7 'Wat. 19.1-24; 2 Piita 2.6. **1:8** 8 2 Piita 2.10.

gawə ɲga malaa'ikanyinə pata, paa ci dzaanii tə *Seetanə də makii. Saa'itə pii tii da Seetanə agyanə wə ɲga Muusa, paa ci haɲətə naakii nə bahə wabə bwaya uushi aashi Seetanə. Amma wata ma bii ci ka ci, “Wa Əntaɲfə a dzalə tə hə.”

* ¹⁰ Amma ma əɲjitsə ahadoonə, agi dzaananə nə tii uushi'iitə pooshi tii paaratəgi. Ma təya, makə dabiinə nə tii yadə hiima. Acii agi d'anə nə tii see sətə shigi a moodəfətii. Ma təya dzə də d'anə ha'ə makə ətsa, gəɲwanə nə tii ka əlyanə aagyanətii.

¹¹ Kə lii ɲgəra'wə tə tii, acii kə ɲgərə tii tsaasəfə ɲga Kaa'inu, kə vigi tii natii nə ka da 'waslyakəənə, kaa təya shii upaa də kwaba, makə sətə shi Balaamə a d'ii. Agi d'anə nə tii panə da Əntaɲfə makə sətə shi Koorə a d'ii. Acii ha'ə ka zaamaginə nə Əntaɲfə də tii, makə sətə shi ca zaamagi də Koorə. †

¹² Ma agi gəshinə goonə, kə ndzaa tii makə d'iinə ahadoonə. Pooshi uushi shii tii, maɗaamə natii nə tanə. Pooshi ayinə agitii əsə. Makə kurabiinə ətə ci mədə a pyawərigi yadə ndzəmənə ɲga vənə nə tii. Makə ənfugiitə pooshi ka poonə taa ka saa'yatii nə tii. Makə ənfugiitə ci əɲjə a mbuudəgi nə tii, təya huurəgi hwa'ə.

¹³ Ma tii, makə ma'iitə ca ɲgərəma əndə nə tii. Təya d'avə ka natii nə ayinə. Makə tikisanyiitə pooshi ka kəɲaanənə ka hakii nə tii. Ma təya, kə dəkəpaa Əntaɲfə ka tii ha agi matəku təku ha ruku ruku. Davə nii təya ndzaanə ka ca'ə ndəɲwə ndəɲwə.

* **1:9** 9 Dzək. 34.6; Zak. 3.2; 2 Piita 2.11; Mikayilu: Səniinə 12.7.

1:10 10 2 Piita 2.12. † **1:11** 11 Kaa'inu: 'Wat. 4.3-8; 1 Yooh. 3.12; Balaamə: Baan. 22.7,17; 1 Piita 2.15; Koorə: Baan. 16.1-34.

1:12 12 2 Piita 2.13,17.

¹⁴ Agyanə tsarə nga ənjitsa shi Anuuhu a wabi. Ma ca, ci nə mədəfənə nga slikərənə ndzanənə ka Adamu. Kə bii ci, “Kadə nə Slandanə a shi da malaa'ikanyinaakii gya'ə pu'unyinə da gya'ə pu'unyinə, yadə baanatənə. † ¹⁵ Ka la gəɲwanə ka patənə nga ənji cii kəya shi. Bwayakii ka shaɲə nə gəɲwanaakii a ndzaanə ka nga ənjitə pooshi nyi'u tə Əntaɲfə, acii bwayakii nə slənətə dfaadii tii da uushi'iitə baabii tii aashikii.” ¹⁶ Ma ənjitsa, uusəra patə nə tii ka ɲgəərə ma, taa guci patə nə tii ka ɲgəərə ma də hara ənja, təya dfa sətə kadeesəkə ka shishinətii, təya haɲətə natii na, təya dfa mandikə-ndikə wabənə ka gəpətə də ənja, kaa təya shii nə'u rəgwatii.

Wabənə ka ənji nə'unə

¹⁷ Kadashinyinaakya, ma wabəətə shi masləkee ənji nga Slandanaamə Yeesu Aləmasiihu a bii koonə oo'i kadə na dfa, ga ca zaanə koonə. ¹⁸ Kə ɲjii təya baaba koonə, “Ma ka muudinə nga duuniya, kadə nə ənjə a shigi ətə na ɲusə tuunə. Ma ənjitsa, paa tii shii tə Əntaɲfə. Agi dfanə nə tii sətə kadeesəkə ka tii tanə.” ¹⁹ Tii nə ənjitə ca kira təkəshinə aahada ənja, ənji nga duuniyanə nə tii, pooshi tii shii Ma'yanə nga Əntaɲfə.

²⁰ Kadashinyinaakya, ma unə, dfa mə gazhi'waanə nga tsakəshinə ahadoonə, koonə shii dzənə aakəɲwa də zəɲanə agi vii

1:13 13 Isaa. 57.20; 2 Piita 2.17. † **1:14** 14 Mat. 25.31; Anuuhu: 'Wat. 5.18,21-24; Ibər. 11.5. **1:17** 17 2 Piita 3.2. **1:18** 18-19 2 Piita 3.3; 2 Tim. 3.1; 3.2-6.

goonngaane goonə ətsə shi daciai Əntanʃə ci saakii. Dəmə aakəŋwa də ɗa də'wa də ŋgeerənə ŋga Malaaba Ma'yanə. ²¹ Kavəmə noonə na aagi uudənə ŋga Əntanʃə, una gəra saa'itə nə Slandanaamə Yeesu Aləmasiihu a nəhə təgunuunə gaamə, ca vii kaamə əpinə ŋga ca'ə ndəŋwə ndəŋwə.

²² Tə'i hara ənji pooshi tii ba'avə. Ma tsarə ŋga ənjitsa, nəhəmə təgunuunatii. ²³ Luupaamə hara ənji acii gunə. Ma hara ənji əsə, nəhəmə təgunuunatii. Amma una dzə də kavə na acii ga təya ŋsuləgi duunə. Taa kəjeerənatii maa, mandəkii putə ŋga ajijinəənə ŋga ndzaanatii. Acii ha'ə, goona təbətə shaŋə.

Dəlaamə də Əntanʃə

²⁴ Dəlaamə də Əntanʃə. Ci nə əndə da baawəɗa ŋga nəhənə tuunə acii goona ŋsuləgi gakkii a rəgwa. Ka mbeenə nə ci ka ŋgərəgi koonə patənə ŋga 'waslyakəənə goonə, ca kira tuunə ka ndzaanə agi ŋwanjuunaakii, una ndzaanə də moodasəkə ka shaŋə. ²⁵ Dəlaamə də Əntanʃə, acii ci daanəkii nə Slandanə agyanə taa mi patə. Ci luupaa taamə daciai Slandanaamə Yeesu Aləmasiihu. Wa ənjə a ɗuunətə tə ci, ənjə a dəla də ci. Ci ca ɗa ŋwanjuunə ka ca'ə ndəŋwə ndəŋwə, ndzaŋənə ka 'watəginə, ka mbu'yanə ka ənshinə ka dəŋə ka muudinə. *Aamiina.

1:20 20 Kwal. 2.7. **1:22** 22 1 Tees. 5.11. **1:23** 23 Zak. 3.2.

1:24 24 Fil. 1.10; 1 Tees. 5.23.

Kura Aləkawalə ɲga Əntaɲfə
Gude: Kura Aləkawalə ɲga Əntaɲfə New Testament
copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

56396c70-45d3-5118-be46-8c4c3fec34f1